

Vun 1988 bis 1991 zesummen am Lycée



Dikkrich. Vun 1988 bis 1991 hunn sech 38 Schülerinne a Schüler am Lycée classique vun Dikkrich iwwert IV^e C2 bis I^{re} C2 moderne begéint a kennegeleiert. 28 vun hinnen hu sech ronn 30 Joer no hirem éischten Zesummekommen, erëmgessinn. Um Programm stoung eng Visite vum Lycéesgebai ënnert der kompetenter Féierung vun der Madamm Bausch, directrice-adjointe vum LCD. Duerno goufe vill schéin a deelweis scho vergiessen Momenter erëm unhand vun enger Fotosgalerie an Erënnung geruff. D'Iwwerraschungen bloufen net aus an et huet een sech séier nees un all Detail erënnert. D'Souvenire si während engem gemeinsame Mëttegiessen bis spéit an d'Nuecht ausgetosch ginn an et huet een sech versprach, net nach emol 30 Joer ze waarden, bis een sech erëmgessät. Speziell ernimmt goufen den Armand Steichen vun Dellen an den Tom Weber vu Bigelbaach, di de Group leider schonns vill ze fréi an de Joeren 1988, resp. 2000 fir ëmmer verlooss hunn. Hiert Feelen op dësem Dag war fir jiddereen ee schwéiere Moment. Mat engem Arrangement mat der Opschrëft „Mir vergiessen Dech ni“ gouf hinnen geduecht an hire Souvenir an Èiren gehal. *Roland Schaack via mywort.lu*